

RESOLUCIÓN PRESIDENCIAL

EXPEDIENTE	2025060881
ASUNTO	Programa Vive o Rural 2026
TRÁMITE	Resolución presidencial pola que se resolve a 2ª concesión de subvencións a centros educativos e anpas

O Presidente, no uso das facultades que lle confire a normativa local vixente, dita a seguinte **RESOLUCIÓN**:

- **ANTECEDENTES E CONSIDERACIÓN TÉCNICAS**

Primeiro. Por acordo da Xunta de Goberno núm. 2.35763, adoptado na súa sesión ordinaria do 14 de novembro de 2025, aprobouse a convocatoria do programa “Vive o Rural” 2026. As bases reguladoras publicáronse no BOPPO núm. 225, do 24 de novembro de 2025, así como na BDNS. O prazo de presentación de solicitudes comezou o 1 de decembro de 2025 e permanecerá aberto durante o período de vixencia da convocatoria, ata o esgotamento do crédito dispoñible.

Segundo. A concesión das axudas realizarase en réxime de concorrencia non competitiva ata o esgotamento do crédito dispoñible.

A contía total máxima destinada a este convocatoria é de 80.000,00 €. O importe máximo da subvención por entidade é 1.250,00 €. O importe máximo que se subvencionará por alumna ou alumno é de 25,00 €, cun límite de 50 escolares por centro ou anpa, agás nos centros que cumpran os seguintes requisitos, nos que o importe máximo que se subvencionará será de 40,00 €:

- Ter menos de 50 alumnas e alumnos matriculados no global do centro.
- Máximo de 30 alumnas e alumnos participantes na actividade.

Terceiro. Son gastos subvencionables aqueles que de xeito indubidable respondan ao obxecto do programa, que resulten estritamente necesarios para levalo a cabo e financien actividades desenvolvidas durante os períodos lectivos comprendidos entre os meses de xaneiro a maio e de setembro a decembro de 2026, excluídos os períodos vacacionais de Nadal e Semana Santa. As axudas deberán destinarse a financiar:

- a) O custo da entrada ás granxas escola para o desenvolvemento dunha saída ambiental dun día.
- b) Os gastos de desprazamento en transporte colectivo de ida e volta entre o centro docente e a granxa escola para realizar visitas de educación ambiental.



Cuarto. A Xunta de Goberno, na súa sesión ordinaria do día 6 de marzo de 2026, adoptou o acordo núm. 13.36174, polo que se concede subvencións a centros educativos e anpas por un importe total de 70.874,50 €. Con esta primeira concesión non se esgotou o crédito dispoñible na convocatoria, polo que o prazo de presentación de solicitudes permaneceu aberto ata esgotar o crédito restante (9.125,50 €).

No mes de marzo de 2026, o CPI de Mondariz e a anpa do colexio infantil O Areal de Baiona presentaron solicitude de participación no programa Vive O Rural 2026. Así mesmo, o CEIP Plurilingüe A Reigosa, entidade beneficiaria na primeira concesión do programa, presenta instancia na que pide a modificación da granxa escola solicitada, xa que está interesado en asistir á granxa escola Serantellos. Dita modificación non supón un cambio no orzamento nin no importe subvencionado.

Quinto. Con data 8 de abril de 2026, a xefa do Servizo de Xuventude e Reto demográfico emite informe proposta de concesión de subvencións ás entidades que presentaron solicitude durante o mes de marzo de 2026, por un importe total de 2.350,00 €, así como de aceptación da modificación da granxa escola solicitada polo CEIP Plurilingüe A Reigosa.

O importe total concedido nas dúas concesións (**73.224,50 €**: 70.874,50 € na 1ª e 2.350,00 € nesta 2ª), non supera o importe da convocatoria (80.000,00 €). Polo tanto, esta seguirá aberta ata esgotar o restante crédito dispoñible (**6.775,50 €**).

Sexto. Con data 9 de abril de 2026, Intervención emite dilixencia de fiscalizado e conforme respecto da proposta presentada pola xefa do Servizo de Xuventude e Reto demográfico.

Sétimo. As entidades beneficiarias deberán cumprir coas obrigas recollidas no artigo 11 da LSG, así como coas establecidas na base 11ª da convocatoria, entre as que se recollen:

- Comunicarlle, cunha antelación mínima de cinco (5) días hábiles, os datos da visita ao Servizo de Xuventude e Reto Demográfico a través do correo electrónico xuventudereto@depo.es.
- Realizar unha publicidade adecuada do carácter público do financiamento recibido. As medidas de difusión poderán consistir en carteis, publicacións impresas, contidos para redes sociais, entradas en páxinas web ou calquera outro medio que permita constatar a veracidade da difusión que, en todo caso, deberá incluír a imaxe identificativa do programa, a cal estará dispoñible en www.depo.gal.



- Presentar a xustificación da subvención na forma e no prazo indicado na convocatoria.

O pagamento da subvención realizarase tras a xustificación da execución completa da actividade.

- **LEXISLACIÓN APLICABLE:**

- Lei 38/2003, de 17 de novembro, xeral de subvencións
- Real decreto 887/2006, de 21 de xullo, polo que se aproba o Regulamento da LXS
- Lei 9/2007, de 13 de xuño, de subvencións de Galicia
- Lei 7/1985, de 2 de abril, reguladora das bases do réxime local
- Lei 5/1997 de 22 de xullo de Administración local de Galicia
- Lei 39/2015, de 1 de outubro, do procedemento administrativo común das administracións públicas
- Ordenanza xeral de subvencións da deputación de Pontevedra
- Bases de execución do Orzamento provincial vixente

Por todo o exposto, **RESOLVO:**

Primeiro. Conceder subvención, polo importe que se indica, ás seguintes entidades:

Nº	Expte.	Entidade solicitante	NIF	Concello	Granxa escola	Nº alum	Importe subv. total	Importe subv. unitaria
1	2026015604	CPI de Mondariz	Q8655552A	Mondariz	Kiriko	44	1.100,00 €	25,00 €
2	2026017496	Anpa Colexio infantil O Areal	G36978955	Baiona	Cor. Carballo	50	1.250,00 €	25,00 €

O importe total destas subvencións ascende á cantidade de **2.350,00 €**, e serán aboadas con cargo á aplicación orzamentaria 26/233.2310.480.02 do Orzamento xeral da Deputación de Pontevedra para o ano 2026.

Segundo. Aceptar a modificación da granxa escola solicitada polo CEIP Plurilingüe A Reigosa (expte. 2025078008).

Terceiro. Publicar o acordo de concesión na Sede electrónica da Deputación e na páxina web, de acordo cos termos establecidos no artigo 45 da LPACAP.

Coa concesión destas subvencións non se esgota o crédito dispoñible nesta convocatoria, polo que o prazo de presentación de solicitudes seguirá aberto ata esgotar o mesmo, que ascende a un total de 6.775,50 €.



Contra este acordo que pon fin á vía administrativa poderá interpoñer recurso potestativo de reposición perante o mesmo órgano que o ditou, no prazo de un mes a partir do día seguinte ó desta notificación (*artigos 112 e 124 da Lei 39/2015, de 1 de outubro, do Procedemento Administrativo Común das Administracións Públicas*), ou ben, directamente recurso contencioso-administrativo perante a Sección do Contencioso-Administrativo do Tribunal de Instancia de Pontevedra, segundo o disposto no artigo 8 da Lei 29/1998, de 13 de xullo, Reguladora da Xurisdición Contencioso-Administrativa, e todo iso no prazo establecido no artigo 46 da citada Lei.

Todo iso sen prexuízo de que poida utilizar calquera outro recurso que estime conveniente.

Asinado dixitalmente na data que figura na marxe

